

Nurly ÓLKE

QOĖAMDYQ- SAYASI GAZET

ОБЩЕСТВЕННО - ПОЛИТИЧЕСКАЯ ГАЗЕТА

№ 19 (739) 4.5. 2023

E-mail: nurliolke@mail.ru

nurliolke.kz

ҚОНАЕВ ҚАЛАСЫНЫҢ ӘКІМІ НҰРЛАН ҚҰМАТАЕВТЫҢ ОТАН ҚОРҒАУШЫЛАР ЖӘНЕ ЖЕҢІС КҮНІМЕН ҚҰТТЫҚТАУЫ



Ардақты
ардагерлер!
Қымбат-
ты Отан қор-
ғаушылар!

Сіздерді
батырлық
пен ерлік-
тің, шыдам-
дылық пен
төзімділік-
тің мере-
кесі болған
— О т а н
қорғаушы-

лар және Ұлы Жеңіс күні мейрамымен шын жүректен құт-
тықтаймын!

Бұл — мемлекеттің, қоғамның және әрбір қазақстан-
дықтың қауіпсіздігін, Отанымыздың тыныштығын қорғап
жүрген еліміздің ер азаматтарын ұлықтайтын, құрмет-
тейтін күн. Халқымызда «Ер — елінің қорғаны» деген аталы
сөз бар. Тәуелсіз елімізге қалтқысыз қызмет ету және оны
қорғау — әрбір азаматтың қасиетті борышы.

Елімізде Отан қорғаушылар мерекесі Ұлы Жеңіс күні қар-
саңында атап өтілетіні бекер емес. Себебі, бұл күн — ерлік
пен батылдықтың өлшеусіз үлгісі болған, отты жолда-
рымен өткен ержүрек жауынгерлер алдында тағзым ететін
күн. Кешегі жаһан соғысында Отан үшін отқа түскен қаһар-
мандардың биік тұлғаларын ардақ тұтып, есімдерін естен
шығармау — бүгінгі ұрпақтың парызы.

Қадірменді соғыс және тыл ардагерлері, офицерлер мен
сарбаздар!

Сіздерді қатар келген қос мерекемен құттықтай оты-
рып, баршаңызға мықты денсаулық, ұзақ ғұмыр, отбасыла-
рыңызға амандық тілеймін.

Еліміз аман, жұртымыз тыныш, тәуелсіздігіміз баянды
болсын!



ҰЛТТЫҚ ЖОБА

БІРЛЕСІП ЖҰМЫС ІСТЕУГЕ УАҒДАЛАСТЫ



**«САМҰРЫҚ-ҚАЗЫНА» ҰЛТТЫҚ ӨЛ-АУҚАТ ҚОРЫ» АҚ
БАСҚАРМА ТӨРАҒАСЫ НҰРЛАН ЖАҚЫПОВ АЛМАТЫ
ОБЛЫСЫНА ИССАПАРМЕН КЕЛДІ. АЛҒАШҚЫ КЕЗЕКТЕ
ӘКІМДІКТЕ ӨТКЕН ЖИЫҢҒА ҚАТЫСЫП, ОБЛЫС ӘКІМІ
МАРАТ СҰЛТАНҒАЗИЕВ ПЕН ӨҢІРДЕГІ ҚОР ЖОБАЛАРЫН
ІСКЕ АСЫРУ БОЙЫНША МӘСЕЛЕЛЕРДІ ТАЛҚЫЛАДЫ.**

«Самұрық-Қазына» қоры
өңірде ауқымды энергетика-
лық жобаларды жүзеге асы-
руда. Мысалы, Алматыдағы
көмірмен істейтін ЖЭО жа-
нында газбен істейтін жаңа

ЖЭО-2 және ЖЭО-3 құрылы-
сы басталды. ЖЭО-2-нің қу-
аттылығы 600 МВт, ЖЭО-3-тің
қуаттылығы 545 МВт-ты құрай-
ды. «Самұрық-Қазына» өңірде
жаңа жел және су электр стан-

цияларын құру бойынша да
жұмыс жүргізіп жатыр.

- Алматы облысы бүкіл
Орталық Азиядағы ең ірі энер-
гетикалық хабтардың біріне
айналуы мүмкін. Бірінші кезек-
те оның қуаты Алматы өңірінің
энергетикалық қажеттіліктерін
қанағаттандыруға бағытталуы
тиіс. Ішкі нарықтағы сұраныс
артып келеді. Одан артылған-
ды экспорттау керек.

(Жалғасы 2-бетте)



**ТӘУЕЛСІЗДІГІМІЗДІҢ ТҰҒЫРЫ БИІК ӘРІ
БЕРІК БОЛУЫ ҮШІН БҰЛ ЖОЛДА ЖҰДЫ-
РЫҚТАЙ ЖҰМЫЛУ АСА МАҢЫЗДЫ. СОН-
ДЫҚТАН МЕМЛЕКЕТ БАСШЫСЫ ҚАСЫМ-ЖО-
МАРТ КЕМЕЛҰЛЫ ТОҚАЕВ АТАП ӨТКЕНДЕЙ,
ТАТУЛЫҚ ПЕН КЕЛІСІМ ТЕК МЕМЛЕКЕТТІК
САЯСАТТА ЕМЕС, ҚОҒАМДА, ҮЙДЕ, ҰЖЫМДА,
ЖАЛПЫ, БАРЛЫҚ ЖЕРДЕ ДӘРІПТЕЛУІ ҚАЖЕТ.**

Осы тұрғыдан кел-
генде, Қазақстан халқы-
ның бірлік күні мейра-
мының мәні зор, маңызы
ерекше. Бұл күн - ырыс
пен ынтымақтың, тату-
лық пен тұрақтылықтың
және бейбітшілік пен
келісімнің мерекесі.

Қонаев қаласының
Орталық алаңына жи-
налған жұртшылықтың
табан тіреген ойлары
мен тоғысқан пікірлері
осыған сайды. Алаңға
келген үлкен-кішінің жүз-
дері жайдары, көңілдері
көтеріңкі болатындығы-

БІРЛІГІ БЕКЕМ ЕЛ ОЗАДЫ

ның жөні де бар. Сах-
на әдемі безендіріліп,
көрермендерге арналған
ақ шатыр да кең мо-
лынан жайылған. Бұдан
бөлек алаңда әр ұлттың
тарихынан, мәдениеті-
нен сыр шертетін көрме-
лер ұйымдастырылып,
оны тамашалаушылар-
дың қатары мол болды.

Бір жерде палау мен
кәуап пісірілсе, екінші
жерде Алматы облыс-
тық «Қоғамдық келісім»
мекемесі дәмі тіл үйірер
тәтті торттарды тегін
үлестіріп жатты.

«Мамыр шуақ - ынты-
мақтың ұйытқысы» атты
музыкалық думанның
шымылдығы түрлі эт-

нос өкілдері ұлттық би-
лерімен ашылып, «Бір-
лігіміз жарасқан» әнімен
жалғасты. Салтанатты
шараға облыс әкімі Ма-
рат Сұлтанғазиев те қат-
тысып, жұртшылықты
мерекемен құттықтады.

Өз сөзінде облыс
басшысы жуырда өт-
кен Қазақстан халқы

Ассамблеясының XXXII
сессиясында Мемлекет
басшысы Қасым-Жо-
март Тоқаевтың жаңа
уақыт жағдайында ел-
дің ішкі тұрақтылығын
сақтаудың аса маңызды
екеніне ерекше назар
аударғанына тоқталды.

(Жалғасы 4-бетте)

